



**DUOPMÁRIID
GOZIHANLÁVDEGODDI**

Váidit duopmáriid



Váidinortnet

Gozihánlávdegoddi lea ráhggáštusásahus mii meannuda váidagiid duopmáriid vuostá. Lávdegotti lea nammudan Gonagas Stáhtarádis.

Gozihánlávdegottis leat guokte áirasa albmoga beales, okta advokáhtta, guokte duopmára dábálaš duopmostuoluin ja okta eanajuohkinduopmár.

Go Gozihánlávdegoddi meannuda áššiid mat gusket eanajuohkinbajitduopmárii/eanajuohkinduopmárii, de searvá eanajuohkinduopmár dábálaš duopmára sajis.

Eanajuohkinduopmár ii searvva go eara váidagat meannuduvvojit. Lávdegotti čállingoddi lea Duopmostuollohálddahas Troandimis.

Lassin meannudit bohtán váidagiid, sáhtttá Gozihánlávdegoddi iešalddis váldit ovdan áššiid. Lávdegoddi sáhtttá buktit oppalaš cealkámuša ”buori duopmárdábi” doahpaga sisdoalu hárrái. Lávdegoddi doaibmá danne maiddáih ehtalaš ráddin.

Váidináigemearri

Váidináigemearri lea dábálaččat 3 mánu ášši guoddaleame rájes, dahje das rájes go váidái lea ášši čilgejuvvon dahje livččii galgan leat čilgejuvvon. Dás lea beroškeahhtá áigemearri ovttá jagi guoddaleame rájes.

Gii sáhtttá váidit?

Dus lea vuoigatvuohta váidit jos don leat osolaš, advokáhtta dahje leat leamaš vihtaniin muhtun diggeáššis gos duopmára láhtten lea

njuolgga dutnje guoskan. Dát maid gusto earáide geaidda ášši guoská, omd mielduopmárat dahje áššedovdit.

Sáhtat maid oažžut duopmára láhttema veardiduvvot jos sáhtat duodaštít erenoamaš beroštumi.

Justisdeparttemnttas, Duopmostuollohálddahas, duopmostuollojodiheaddjis ja Norgga Advokáhttasearvvis lea čadat váidinvuoigatvuohta. Jos váidin guoská áššiide mat eai leat dáhpuhuvan bargoaiggis, de lea dušše Vuoigatvuodadeparttemnttas, Duopmostuollohálddahas dahje guoski duopmostuollojodiheaddjis váidinvuoigatvuohta. Jos lávdegoddi gávnaha siva dasa, de sáhtttá lávdegoddi earáid gohččuma mielde dattege dohkkehit meannudit váidaga.

Makkár áššiid sáhtttá váidit?

Sáhtat váidit jos oaivvildat ahte duopmár lea rihkkon buori duopmárdábi dahje muuid lea rihkkon bargonjuolggadusaistis. Dábálaččat sáhtat váidit dušše áššiid mat leat dáhpuhuvan bargooktavuodas.

Don it sáhte váidit jos it leat duhtavaš dahje it dohkket duomu dahje eara riektemearradusa. Dákkár áššit sáhttet lágiduvvot bajit duopmostullui váidaga dahje guoddalusa bokte, lávdegottis ii leat vejolašvuohta meannudit dákkár váidagiid. Váidagat mat gusket duhtameahhtunvuhtii riektemearradusa hárrái hilgojuvvojit.



Makkár duopmáriida guoská dát ortnet?

Váidinortnet guoská diggegottiid, lágamánnerivttiid ja Alimusrievtti juridihkalaš duopmáriida ja maiddái eanajuohkinrivttiid ja eanajuohkinbajrivttiid duopmáriida. Ortnet guoská maiddái duopmárválddalaččaide. Dát ii gusto omd mielduopmáriida (álbmotduopmáriida) dahje soabadusráđiid miellahtuide.

Mii dasto dáhpáhuvvá?

Áššemeannudeapmi lea čálalaš. Buohkat geaidda ášši guoská, ožžot dieđu ja vejolašvuoda buktit cealkamuša. Go ášši lea gárvvis meannudeapmái -maŋŋá go buohkat leat beassan buktit cealkamuša- dollojuvvo čoahkkín gos buot lávdegoddelahut leat mielde. Váidda meannuduvvo dábálaččat čálalaš cealkamušaid vuodul. Muhto oasálaččain lea vuoigatvuota njálmmálaččat čilget gozihanlávdegoddá, jos lávdegoddi ii oainne dán áibbas dárbbasmeahtumin ášši dieđuid ektui. Erenoamaš dilálašvuodain sáhtta leat dárbu háhkat dieđuid earáin, jearahallat vihtaniid j.n.a.

Meannudeame boadus.

Jos lávdegoddi gávnaha ahte duopmár lea rihkkon buori duopmárdábi, de sáhtta lávdegoddi cealkit moaitámuša dahje cuigehusa. Cuigehus lea garraseamos reakšuvdna.

Jos váidda ii váldo vuhtii, de mearrida lávdegoddi ahte ii leat

vuoddu cealkit moaitámuša dahje cuigehusa. Soames dilálašvuodain sáhtta lávdegoddi buktit cealkamuša mii ášši oktavuodas livččii buorre duopmárdáhpri.

Dárkkistit lávdegotti mearrádusa

Lávdegotti mearrádusa ii sáhte váidit. Jos hálidat dárkkisteame, de fertet dábálaččat vuolggahit ášši diggegoddá. Ášši vuolggahemi áigemearri lea guokte mánu.

Diehtočálus

Áššit mat hilgojuvvojit danin go eai leat riektemearradusain duhtavaččat dahje váidináigemearri lea meattil almmuhuvvojit dušše spiehkastagain. Dábálaččat leat dat almmolaččat dušše dáhttuma mielde.

Váidináššiid mearrádusat maid Gozihanlávdegoddi lea duohtagiedahallan almmuhuvvojit jotkkolaččat. Mearradusaid gávnnat čieguspersuvnna hámis dás: www.domstol.no

Njuolggadusčálus

Gozihanlávdegotti njuolggadusat leat duopmostuollolága kapihttal 12:s ”váidima birra ja ránggáštusortnet duopmáriid vuostá”. Hálddašanláhka gusto váidingiedahallamii, muhto dás leat visis spiehkastagat. Almmolašvuodaláhka maiddái gusto. Eai gávdno vel dárkilat lánkaásahusat.





Tilsynsutvalget for dommere, sekretariatet

Domstoladministrasjonen

7485 Trondheim

Tlf 73 56 70 00

Faks 73 56 70 01

Šleadgapoasta: *postmottak@domstoladministrasjonen.no*